



Broj: 02-404-26/23

Datum: 26.06.2023. godine

Na osnovu člana 69. stav 3. i člana 68. stav 1. Zakona o javnim nabavkama ("Službeni glasnik BiH", broj: 39/14 i 59/22), gradonačelnik Grada Prijedor d o n o s i

O D L U K U O OTKAZIVANJU POSTUPKA NABAVKE

I

O t k a z u j e s e postupak javne nabavke u otvorenom postupku objavljenom na portalu javnih nabavki Obavještenjem o nabavci, broj: 22-1-2-10-3-39/23, u predmetu: Servisiranje i održavanje vozila Teritorijalne vatrogasno-spasilačke jedinice Prijedor, po lotovima kako slijedi:

- Lot 1- Servisiranje i održavanje putničkih vozila, sa zaključenjem okvirnog sporazuma na period od jedne godine,
- Lot 2 – Servisiranje i održavanje teretnih i priključnih vozila, za koji je predviđeno zaključivanje okvirnog sporazuma na period od godinu dana.

II

Ova odluka biće objavljena na zvaničnoj internet stranici Ugovornog organa, istovremeno sa upućivanjem iste ponuđačima, koji su učestvovali u ovom postupku javne nabavke.

O b r a z l o ž e n j e

Ugovorni organ Grad Prijedor je oglosio Obavještenje o nabavci na Portalu javnih nabavki, broj: 22-1-2-10-3-39/23, u predmetu: Servisiranje i održavanje vozila Teritorijalne vatrogasno-spasilačke jedinice Prijedor, Lot 1- Servisiranje i održavanje putničkih vozila i - Lot 2 – Servisiranje i održavanje teretnih i priključnih vozila, sa zaključenjem okvirnog sporazuma na period od jedne godine, koji se provodi putem otvorenog postupka.

Po provedenom postupku pregleda i ocjene ponuda, Ugovorni organ je dana 30.05.2023. godine donio Odluku o izboru najpovoljnijeg ponuđača, broj: 02-404-26/23 za lot 1, kojom je kao najpovoljniji ponuđač izabran ponuđač „Gnjatić“ d.o.o. Prijedor sa iznosom ponude od 5.982,80 KM, bez uračunatog PDV-a, odnosno 6.999,88 KM, sa uračunatim PDV-om i rokom pružanja usluga od 1 (jednog) kalendarskog dana i Odluku o izboru najpovoljnijeg ponuđača, broj: 02-404-26/23 za lot 2, kojom je kao najpovoljniji ponuđač izabran ponuđač „Gnjatić“ d.o.o. Prijedor sa iznosom ponude od 32.478,50 KM, bez uračunatog PDV-a, odnosno 37.999,84 KM, sa uračunatim PDV-om i rokom pružanja usluga od 1 (jednog) kalendarskog dana. Svi ponuđači koji su dostavili ponude u oba lota su obavješteni o rezultatima postupka pojedinačnim obavještenjima, uz koja su istima dostavljene gore navedene odluke zajedno sa zapisnikom o ocjeni i pregledu ponuda u predmetnom postupku.

Obavještenjem, broj: 02-404-26/23 od 30.05.2023. godine upućenom najpovoljnijem ponuđaču „Gnjatić“ d.o.o. Prijedor zahtjevani su dokazi/ dokumente iz člana 45. stav (2) Zakona, kojim će dokazati vjerodostojnost date izjave u skladu sa tačkom 10. predmetne Tenderske dokumentacije i to:

„a) izvod iz kaznene evidencije Suda BiH i nadležnog suda prema sjedištu ponuđača da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan.

Prema stavu Agencije za javne nabavke potrebno je dostavljanje oba uvjerenja. Nije prihvatljiv izvod iz kaznene evidencije izdat od bilo kojeg suda u BiH u kojem nisu naznačena sva navedena krivična djela, već samo neka od njih ili izvod iz kaznene evidencije suda koji uopšte nije nadležan prema sjedištu ponuđača;

b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.“

U ostavljenom roku ponuđač „Gnjatić“ d.o.o. Prijedor je dostavio dokumentaciju, koju je ovaj organ analizirao i utvrdio da ne sadrži sve elemente zahtjevane predmetnom Tenderskom dokumentacijom u tački 10. pod a) i predmetnim Obavještenjem dostavljenom ovom ponuđaču. Uvidom u dostavljenu dokumentaciju za dokazivanje date izjave iz člana 45. tačka a), konstatovano je da je ovaj kandidat dostavio dostavio Uvjerenje Suda BiH u kom su navedena sva krivična djela za koja se potvrđuje da nije izrečena pravosnažna osuđujuća presuda i to: da nije osuđen pravosnažnom presudom za krivična djela organizovanog kriminala, korupciju, prevaru ili pranje novca. Dalje, uvidom u ovjerenu fotokopiju »Uvjerenja«, broj: 077-0-Kr-023-000-120 od 25.04.2023. godine izdatog od Osnovnog suda u Prijedoru utvrđeno je da u je istom navedeno da se potvrđuje da »Gnjatić« d.o.o. Prijedor, Omladinski put b.b. Prijedor, nije u krivičnom postupku osuđen pravosnažnom presudom za krivična djela korupcije iz stvarne nadležnosti ovog suda, krivično djelo pranja novca iz stvarne nadležnosti ovog suda i krivičnog djela prevare, kao i da iz navedenog uvjerenja nije vidljivo da nadležni sud prema sjedištu ponuđača nije potvrdio da ovaj privredni subjekt u krivičnom postupku nije osuđen pravosnažnom presudom za krivična djela organizovanog kriminala, u skladu sa važećim propisima u Bosni i Hercegovini ili zemlji u kojoj je registrovan. U daljem tekstu navedenog uvjerenja, vidljivo je da Osnovni sud naveo obrazloženje o stvarnoj nadležnosti / nenadležnosti osnovnih sudova u krivičnim stvarima prema važećem zakonodavstvu i istim uputio na propis i stvarno nadležni sud za krivična djela organizovanog kriminala i to na, između ostalog, nadležnost posebnog odjeljenja Okružnog suda u Banjoj Luci za krivična djela organizovanog kriminala. Pregledom cjelokupne dostavljene dokumentacije ovog ponuđača konsatovano je da, pored navedenog uvjerenja Suda BiH, nije priložen i dokument - potvrda/uvjerenje iz kog je vidljivo da ovaj ponuđač nije osuđen pravosnažnom presudom za krivična djela organizovanog kriminala, izdanog od suda koji je stvarno nadležan u krivičnim stvarima za djela organizovanog kriminala, a na koji se upućuje Uvjerenjem Osnovnog suda u Prijedoru.

U predmetnoj Tenderskoj dokumentaciji u tački 10., kao i Obavještenju, ponuđaču je jasno naznačeno da nije prihvatljiv izvod iz kaznene evidencije izdat od bilo kojeg suda u BiH u kojem nisu naznačena sva navedena krivična djela, već samo neka od njih ili izvod iz kaznene evidencije suda koji uopšte nije nadležan prema sjedištu ponuđača, kao i da je posebno

istaknuto da prema stavu Agencije za javne nabavke je potrebno dostavljanje oba uvjerenja (izvod iz kaznene evidencije Suda BiH i nadležnog suda prema sjedištu ponuđača).

Odredbama člana 68. stav 1. Zakona je propisano da (1) Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. Zakona.

Odredbama člana 69. stav 3. Zakona je propisano da Ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Iz naprijed navedenih razloga, odlučeno je kao u dispozitivu ove odluke.

Protiv ove odluke može se u roku od 10 (deset) dana od dana prijema Odluke izjaviti žalba ugovornom organu.

Dostavljeno:

1. Ponudačima;
2. Dosije i
3. a/a

